



تاریخ وادستان

۱۳۳۶ هـ



بر کون بیلنیر قیمتی مجموعه ملک اما
پاک چوق آرانیر اورتده مجموعه بولمنز

ایتدک شرف خدمت اجدادی فراموش
آمارینه اسلافوک رغبت اولمنز

غزل

قطرتک ویرمه‌ده در نشوئه بیدادی سکا
نصل افهام ایدم حالت فریادی سکا
کرچه یاد ایتیمورم بن چکیلان قهری فقط
کون کلوب باعث آلام اوله‌جق یادی سکا
دلده برشمعه عشق ایلش ایجاد خدا
سودیکم دوشمش آنک خدمت ایقادی سکا
بنی هیچ ایتمه فراموش صاقین خوش طوتیور
برکذار ایلایکم خاطر ناشادی سکا
بویله‌در جلوئه حق عشق بکا بخش ایتمش
بنی دلخسته ایدن جلوئه معتادی سکا
اولسه‌ده باده‌وا قیمت کوه‌ر بیلنیر
آتمه وقف ایلایکم قلب المزادی سکا
سنده کی بخت امیرانه به باق که (شادی)
مقتدا ایتدی امیری کبی استادی سکا
۹ حزیران ۱۳۳۶ یشار شادی

غزل

کلسون باد سرور افزا صفالردن بزم
نوحه حال وطن کلسون صبالردن بزم
چالقانوب طورمقدمه یز بحر بلای دهرده
یوقی امداد ایله بن هیچ ناخدا لردن بزم
نالهلر آم و فغانلر شمدی بربر اوسته
هاله‌لر منظور اولور درد و بلالردن بزم